

# Մ ՈՒ Տ Ք

Դաժան շրջափակման մեջ է Արցախը: Համապարփակ շրջափակման՝ քաղաքական, տնտեսական, տեղեկատվական: Շրջափակված է ազգային պետական կազմավորումներից մեկը, որը ԽՍՀՄ գործող սահմանադրությամբ ֆեդերացիայի սուբյեկտ է: Շրջափակված է հնդեվրոպացիների՝ նախահայրենիքի մի մասը, որի բնիկների լեզվի, հոգևոր ու նյութական մշակույթի ծայրերում լսելի են հեռավոր պատմության ձայները, և որի արժատական ժողովրդի նախնիները՝ պարսիկների, քրդերի, հույների ու սլավոնների արյունակից եղբայրները, մասնակիցները և վկաներն են եղել հայ էթնոսի ձևավորմանը այդ հրաշագեղ բարձրավանդակում: Գիմակայելով ճակատագրի դաժան հարվածներին, փրկելով իրենց երկրամասը բարելացիներից, ասորացիներից, բյուզանդացիներից, թաթար-մոնղոլներից ու սելջուկներից, արցախցիները իրենց երկրամասը հանել են 20-րդ դարի ափը, որտեղ, ափա՞ղ, նրանց սպասում էր պատմական ամենաձանր փորձությունը՝ բոլշևիզմի դավադրությունը: Հանուն համաշխարհային հեղափոխության ցնորական զաղափարի բոլշևիկները, որպես նվեր, «Արևելքի ջահակիր» Թուրքիային հանձնեցին Ռուսաստանի տարածքները հանդիսացող Կարսի ու Սուրմալուի հայկական պատմական հողերը և նրա պահանջով՝ Նախիջևանն ու Արցախը՝ Ադրբեջանին: Հայոց պատմական հողերի թալան ու առուծախ՝ «հանուն հեղափոխության»:

Արցախի վերաբերյալ «որոշումը» կայացվել է 1921 թվականի հոգիսի 5-ին (ուշադրություն) Ռուսաստանի կոմունիստական (բոլշևիկների) կուսակցության կովկասյան բյուրոյի կողմից, մի մարմնի, որը նման իրավասություններ չուներ: ԱՅՆՊԵՍ ՈՐ, 2Ի ԵՂԵԼ ՈՒ 2ԿԱ ԻՐԱՎԱԿԱՆ ՏԵՍԱԿԵՏԻՑ ՍՐԻՆԱԿԱՆ ՈՐԵՎԷ ՀԻՄՔ, ՈՐԸ ՀԱՍՏԱՏԵՐ ԼՂԻՄ Ը ԵՎ ՀԱՐԱԿԻՑ ՀԱՅԿԱԿԱՆ ՇՐՋԱՆՆԵՐԸ ԱԳՐԵՋԱՆԻ ԿԱԶՄՈՒՄ ԼՆԵԼԸ: ԱՅՍՈՐ ԷՒ ԻՐԱՎԱԲԱՆՈՐԵՆ ԱՐՑԱԽԸ ԱԳՐԵՋԱՆԻ ԿԱԶՄՈՒՄ 2Է: ԱՊՅՐԻՆԻ ԻՐՈՂՈՒՅՈՒՆԸ ՄԻԱՅՆ ՄԻ ԱՆՈՒՆ ՈՒՆԻ ԲԸՌՆԱԶԱՎԹՈՒՄ (ԱՆԵՔՍԻԱ): Ծբյեկտիվորեն դա այս անուն չունի, քանի որ համաշխարհային հեղափոխության ցնդարանությամբ արբած բոլշևիկյան լիդերները 1921-ին անտեսեցին Արցախի ժողովրդի լիազոր ներկայացուցիչների՝ Հայաստանի կազմում լինելու մասին բազմիցս ընդունած որոշումները: Ծվեն-ծվեն արեցին Հայաստանը, գութանով անցան (գլխավոր քարտուղարի սիրած արտահայտությունը) հինավուրց մի ժողովրդի հողերի, պատմության ու ճակատագրի վրայով: (Ինչպիսի խիղճ պետք է ունենալ Հայաստանի հետ վերամիավորվելու արցախցիների պահանջին ի հակադրություն պնդելու, թե չի կարելի գութանով կտրելանցնել ազգային հարաբերությունների վրայով, երբ խոսքը ոչ թե գութանելու, այլ գութանածը բուծելու մասին է):

Ահա այսպես իբրև սումգայիթի նախերգանք գործի դրվեց «լենինյան ազգային քաղաքականությունը»: ԽՄԿԿ քաղբյուրոն այդ արյունարբու ազգային քաղաքականության արժանավոր ժառանգորդն է: 1988-ի փետրվարին, երբ հավատալով ժողովրդավարության հռչակած վերածննդին, մարդային խորհրդարանը միաձայն դիմեց Հայաստանի, Ադրբեջանի և ԽՍՀՄ գերագույն խորհուրդներին՝ Արցախը Հայաստանի հետ վերամիավորելու հարցը դրականորեն լուծելու միջնորդությամբ, քաղբյուրոն փետրվարի 21-ի շաբաթ ոչ աշխատանքային օրը չզլացավ հավաքվել նիստի՝ մարդխորհրդի նախորդ օրը կայացրած որոշմանը նացիոնալիզմի պիտակ կպցնելու համար: Նույն քաղբյուրոն, որի ձեռքին այդ ժամանակ գտնվում էր երկրի ամբողջ իշխանությունը, հանցագործ դիտավորությամբ թույլ տվեց Սումգայիթի, Կիրովաբադի, Բաքվի ջարդերը՝ Միության ժողովուրդներից թաքցնելով ճշմար-

տությունը Անդրկովկասի արևելքում ազերիների գործած գազանությունների մասին:

Թվում է, թե վերջին երկու տարում հասարակական շարժումների ճնշման տակ կուսակցական վերնախավը կորցրել է իշխանությունը: Միայն թվում է: Իրականում պատկանելության խաղերը սույն ծածկույթ են այն իրողությունը քողարկելու համար, որ առաջվա պես իրական իշխանությունը երկրում իրավաբանորեն աճորոշ այն խմբավորումների ձեռքին է, որին պայմանականորեն ԿԵՆՏՐՈՆ անունն են տալիս: Ժողովրդավարության, սոցիալական ու ազգային արդարության գործը շարունակաբար հենց Կենտրոնի դավադրություններին ու ծուղակներին է դեմ առնում: Եվ քանի դեռ նրան և ոչ թե պատկանելուն է պատկանում իրական իշխանությունը երկրում, նորացման գործընթացի անշրջելիության մասին խոսք լինել չի կարող:

Հատկապես դաժան են Կենտրոնի հանցավոր քայլերը ժողովրդավարության, ազգային արդարության մեր օրերի շեփոթահարի՝ Արցախի նկատմամբ: Չարախոսությունը, փաստերի լկտի կեղծումը, սումգայիթի վանդալներին իր տեղեկատվական հոսանքի տակ առնելը Կենտրոնը արդեն գրանցել է իր «ճառայությունների» ցուցակում: Արցախի վրա իրենց մաղձն են թափում երկրի բոլոր հետադիմական ուժերը: Որոշակի իմաստով արցախյան հիմնահարցի մեջ համարժեքորեն արտացոլվում է ամբողջ երկրի ժողովրդավարության գործընթացը: Ո՛վ կհաղթի՝ դեմոկրատիան, ազատությունը, ճշմարտությունը, թե՛ պարտոկրատիան, մաֆիան, բռնությունը, կեղծիքը: Առայժմ գործը շահում են վերջինները: Շահում են ոչ միայն Արցախում, այլև երկրի ու մոլորակի տարբեր կետերում: Արցախի հարցը մասնավոր հարց չէ: Խեղդելով Ազատության ու Արդարության ձայնը Արցախում, մեր օրերի մութ ուժերը, մարդկությանը ետ են քաշում դեպի միջնադարի խավարն ու անօրինությունը:

Առաջադիմության ու արդարության և ոչ մի քառագույլ աշխարհի և ոչ մի ծայրում չի կարող վստահ լինել մարդկային քաղաքակրթության ապագայի համար, երբ Արցախը շրջափակել ու նրա բարձրանիստ լեռներում խնջույքի են նստել Բռնությունը, Կեղծիքը, Անարդարությունը, Բարբարոսությունը:

Աշխարհի և ոչ մի ծայրում աստվածապաշտ և ոչ մի հավատացյալ չի կարող հանգիստ լինել, — ինչ հավատք էլ նա ունենա, — երբ Արցախում գնդակոծում ու ավերվում են եկեղեցիները, հալածվում նրա սեպսավորները:

Աշխարհում և ոչ մի ժողովուրդ չի կարող վստահ լինել իր ապագայի համար, քանի դեռ կան սումգայիթ կազմակերպող, ժողովրդի կամքին բռնացող ուժեր: Պատմությունը երկար սպասել չտվեց անպատիժ մնացած սումգայիթյան ուժերին երեսպալու Նովի Ուզենում, Տուվայում, Օշում...

Նույն ուժերն են գրավել երկրի լրատվական միջոցները՝ փորձելով կեղծիքի, փարիսեցիության հեղեղի մեջ խեղդել հասարակական գիտակցությունը: Տեղեկատվական տեղորի թունոտ նետերը առաջին հերթին ուղղված են Արցախի դեմ:

Ահա այսպիսի պայմաններում է ասպարեզ իջնում «Արցախականը»: